


評註

老子讀本



科學自

上海世界

評註 老子讀本

體道章一

是章言道與名之關係欲學道則先去名故下文引無欲有欲作證

道可道，非常道。名可名，非常名。無名，天地之始。有名，萬物之母。故常無欲，以觀其妙。常有欲，以觀其徼。此兩者同出而異名，同謂之「玄」。一玄之又玄，衆妙之門。

評

理解超峻。悟後來學人不少。

註

【道】謂經術政教之道也、【非常道】非自然長生之道也、【名】謂富

貴尊榮高世之名也、【非常名】非自然常在之名也、【無名句】無名之時、形

未成、渾然一氣、故爲天地之始、【有名句】有名之後、形已成、天地乃能生萬物、

故爲萬物之母、【妙】要也、人常能無欲、則可以觀道之要、【徼】歸也、常有欲

之人、可以觀世俗之所歸趨也、【兩者】謂有欲無欲也、【同出句】言雖同出

首四語不刊之論道只是大化之自然無以名之強名曰道而已道之成否只在欲字至此始說明本旨

於人心、而所名各異也、①【同謂之玄】玄、天也、言有欲之人、與無欲之人、同受氣於天、②【玄之又玄】天中復有天也、稟氣有厚薄、得中和滋液則生聖賢、得錯亂汚辱則生貪淫也、③【衆妙之門】能知天中復有天、稟氣有厚薄、除情去欲、守中和、是謂知道要之門戶也、

養身章二

此言勿居名、則名自來

此六者皆
陳自然不
可偏舉之
明數也
文氣跌宕
有神
歸震川曰
每用結句
一髮千鈞

天下皆知美之爲美，斯惡已！皆知善之爲善，斯不善已！故有無相生，難易相成，長短相形，高下相傾，音聲相和，前後相隨，是以聖人處無爲之事，行不言之教，萬物作焉而不辭，生而不有，爲而不恃，功成而弗居。夫唯弗居，是以不去。

評

無爲之妙用如此，令人體味不盡。

註

●【天下四句】言人知有美，則有飾惡以爲美者；知有善，則有掩不善以爲善

陳明卿曰
貴貨者其
人盜骨不
又曰腹不
可弱
可虛
李溫陵曰
無爲由於
無欲無知
由於無知

者、^①【處無爲之事】道本自然、聖人本自然以處事、故曰無爲、^②【行不言之教】
天本無言、聖人法天以行教、故曰不言、^③【萬物作焉句】萬物各自生動不辭謝而逆
止也、^④【生而不有】元氣生萬物、聖人不有其德、^⑤【爲而不恃】道所施爲、不特以
望其報也、^⑥【功成句】功成事就、則退避不居其功、^⑦【不去】謂福德常在、不
去其身也、

安民章三

是章言安民
當先無欲

不尚賢。使民不爭。不貴難得之貨。使民不爲盜。不見可欲。使民心
不亂。是以聖人之治。虛其心。實其腹。弱其志。強其骨。常使民無知。
無欲。使夫知者不敢爲也。爲無爲。則無不治。

評

心同幽冥。則物無不受。神同虛無。則事無不知矣。虛實強弱之論。此兵機也。亦學術也。

但看用法如何耳。善用之。則治天下若烹小鮮矣。

陳眉公曰
有吾而道
有誰而不
隱矣吾亦
不知誰有
此真道之
所自出也
王荊公曰
文詞簡妙
高古

註

●【不尙賢】賢，謂世俗之賢，辯口明文，離道行權，去質爲文也，不尙者，不貴之以祿，不貴之以官也，●【難得之貨】謂珍寶也，●【可欲】謂聲色也，●【知者不敢爲】謂智者不敢僞也，●【爲無爲】爲而不見有爲之跡、

無源章四

是章申明修身法道

道冲而用之或不盈，淵兮似萬物之宗。挫其銳，解其紛，和其光，同其塵，湛兮似或存，吾不知誰之子，象帝之先。

評

道爲萬物母，物固無能有其母者。文特借爲詰難耳。

註

●【冲】中也，道匿名藏譽，其用在中，●【或不盈】或，常也，道常謙虛不盈滿也，●【淵兮句】淵深也，道深不可測，似爲萬物之宗，●【挫其銳】挫其鋒銳，以善藏其用，●【解其紛】解其紛亂，以歸清靜，●【和其光】言雖有獨見之明，當知闇昧，不當以曜亂人也，●【同其塵】言與塵俗同合，不當自別殊也，●【湛兮句】言當湛然安靜，故能長存不忘，●【吾不知兩句】帝，天也，象帝之先者、

芻狗二字
精鍊鄰曰
惟大聖故
能起大悲
趙玄長曰
老子之守
中莊周之
緣督文王
子之退藏
子密均同
一意義

謂先天而成象、按道爲宇宙之本體、卽天地萬物之母、不知在道之前、又誰爲道之母、而道爲誰之子也、

虛用章五

是章言任其自然而寓於虛

天地不仁，以萬物爲芻狗。聖人不仁，以百姓爲芻狗。天地之間，其猶橐籥乎？虛而不屈，動而愈出。多言數窮，不如守中。

【註】

優優羣品，遑遑衆人。雖鑿其竅，未知其身。來從何道。此則清夜鐘聲耳。

【註】

一【天地不仁】天施地化，不以仁恩，任自然也。二【以萬物句】天地生萬物、

人最爲貴、天地視之、爲芻草狗畜、不責望其報也。三【聖人不仁】聖人愛養萬民、不以仁恩、法天地、行自然也。四【以百姓句】聖人視百姓爲芻草狗畜、不責望其禮意。五【橐籥】冶工之具、卽鞴、籥者外之橫、籥者內之管、以鼓橐者、猶今之風箱也。六【多言數窮兩句】多言則禍患集於身、不如還之清靜、守其中虛也、

此黃帝語
老子傳之
見列子
歸震川曰
伊川深稱
此章不服
置口

陰陽變通

成象章六

是章引用黃帝語以言攝生之法

谷神不死，是謂「玄牝」。玄牝之門，是謂「天地根」。繇繇若存，用之不勤。

【註】

文僅六語，而包括攝生之法殆盡。可謂短潔絕倫。

【註】

「谷神不死」，谷、養也，神、謂五臟之神也。人能善養神，則不死也。一說、

人體生殖細胞不死，貯之以腎，隱通呼吸，其色玄，下達之門，謂之玄牝。如此物而竭，其人不能久存，故曰用之不勤。①「玄牝」玄、天也，於人爲鼻、牝、地也，於人爲口、鼻口之門，爲天地之元氣所從往來，異解見前。②「繇繇若存」鼻口呼吸喘息，常綿綿微妙，若可存，復若無有。③「不勤」用氣常寬舒，不當急疾勤勞也。

韜光章七

是章言攝生及無私

天長地久，天地所以能長且久者，以其不自生，故能長生。是以聖

成能長久
邵堯夫曰
天地無心
而成化聖
人無心而
成治聖人
之治亦天
地之心故
聖人以天
地喻聖人

八能處卑
則無爭却
借水來闡
發理正義
切震川曰
歸震川曰

人。後。其。身。而。身。先。外。其。身。而。身。存。非。以。其。無。私。邪。故。能。成。其。私。

〔評〕任憑其身使順大化。不著貪生之見。最是養生妙訣。行事不求成而自成。作文不求工而能工。皆順自然之效也。

〔註〕

●【不自生】天地生育萬物、而不自利其生也、●【後其身而身先】先人而後

己、則天下敬之、身已先受榮矣、●【外其身而身存】薄己而厚人、則百姓愛之如

父母、神明祐之若赤子、故身常存、●【故能成其私】人以爲私者、欲以厚己也、

聖人無私而已自厚、故能成其私、

易性章八

以水喻人性
揭明不爭

上善若水、水善利萬物而不爭、處衆人之所惡、故幾於道、居善地、
心善淵、與善仁、言善信、正善治、事善能、動善時、夫唯不爭、故無尤。

〔評〕

天地惟一氣耳。計其所先。莫先於水。文亦自在流出。極波瀾潑洄之致。

老子解此章發露已盡

歸震川曰此章損之又損陳明卿曰守己是金玉末二句筆力千鈞

註

●【處衆人兩句】水處卑下、人之所惡、能卑以自牧、故近於道、●【居善地七句】蘇東坡曰、避高趨下、未嘗有所逆、善地也、空虛靜默、深不可測、善淵也、利澤萬物、施而不求報、善仁也、圓必旋、方必折、塞必止、決必流、善信也、洗滌羣穢、平準高下、善治也、遇物賦形而不流于一、善能也、冬凝春泮、盈涸不失節、善時也、

運夷章九

是章言宜自虛不宜自滿

持而盈之，不如其已。揣而銳之，不可長保。金玉滿堂，莫之能守。富貴而驕，自遺其咎。功成名遂，身退，天之道。

註

自滿必敗。驕盈取損。此天道所以循環。妙在筆勢突兀凌空。用能化淺爲深。

註

●【持而兩句】盈、滿也、已、止也、持滿必傾、不如已也、●【揣而兩句】揣、磨也、既磨之使尖、又銳之使利、勢必摧折、不可長保也、●【天之道】四時更

一者道心
天地原始
固有之靈
能也
約也
第二句末
昌黎銘詞
先聲
此爲聖人
所獨有
人能道
此

運、功成則移、天之常道也、

能爲章十

是章言玄
德之旨

載營魄抱一，能無離乎？專氣致柔，能嬰兒乎？滌除玄覽，能無疵乎？
愛民治國，能無知乎？天門開闔，能無雌乎？明白四達，能無爲乎？生
之畜之，生而不有，爲而不恃，長而不宰，是謂「玄德」。

【註】

問答若各不相顧，自然逗出玄妙，名雋絕倫。

【註】

●【載營魄兩句】載，處也；營魄，人之常居處也。一、人之真也，人能處常居之
宅，抱一清神，能常無離乎，則萬物自賓也。●【專氣兩句】專，任也；致，極也；言
任自然之氣，致至柔之和，能若嬰兒之無所欲乎，則物全而性得矣。●【滌除兩句】
玄，物之極也；言能滌除邪飾，至於極覽，能不以物介其明，疵之其神乎，則終與玄
同也。●【愛民兩句】以仁愛待民，以政教治國，能使民愚而無智乎。●【天門兩

句】天門、謂天下之所由從也、開闔、治亂之際也、雌、女子小人也、天下政令所從出、治亂所關、無女子小人作梗乎、【明白兩句】言至明四達、無迷無惑、能無以爲乎、【生之畜之】道生萬物而畜養之、【生而不有】道生萬物、無所取有也、【爲而不恃】道所施爲、不恃以望其報也、【長而不宰】道長養萬物、不宰割以爲器用、【玄德】有德而不自居、謂之玄德、

無用章十一

是章言虛無能制有形

三十輻共一轂、當其無有、車之用、埏埴以爲器、當其無有、器之用、鑿戶牖以爲室、當其無有、室之用、故有之以爲利、無之以爲用。

評

雖直指有無、其意實卽有而發明無之爲貴、蓋有之爲利、人莫不知、而無之爲用、則忽而不察、故借數者以曉之、然自與折耐人尋味。

註

【輻】車輪中直木、內輳於轂、外入於牙者、【轂】音谷、車輪中心圓木、

歸震川曰
老氏以無
爲宗總發
無字之妙
鄭方水曰
惟無可以
用有非有
何以成一
兩而無一

邵康節曰
形統于首
神統于目
氣統于腎
陳明卿曰
養生以谷
神養目爲
主妨句令
人生畏

●【當其無有車之用】無、空虛也、轂中空虛、車得以行、一說、凡木材、當其未削鑿時、皆有可以爲車之用、喻未成生物之化機、皆有可以爲生物之靈能也、似亦可通、●【埴埴句】埴、音羶、和也、埴、土也、和土以爲飲食之器、●【當其無有器之用】器中空虛、故得有所盛受、●【當其無有室之用】戶牖空虛、人得以出入、室中空虛、人得以居處、是其用、

檢欲章十二

是章言去欲養精

五色令人目盲，五音令人耳聾，五味令人口爽，馳騁畋獵，令人心發狂，難得之貨，令人行妨。是以聖人爲腹不爲目，故去彼取此。

評

釋宗旋返六根。獲三千功德。與此不符而合。

註

●【爽】差失也、●【難得之貨】謂罕有之物、如金銀珠玉等是、●【行妨】

謂心爲物欲所誘、則行傷身辱也、●【爲腹不爲目】爲腹者以腹養己、爲目者以物

役己、故聖人不爲目也、

厭恥章十三

是章申明我相之害、破除分別心

寵辱若驚。貴大患若身。何謂一寵辱若驚？一寵爲下，得之若驚，失之若驚，是謂一寵辱若驚。一何謂一貴大患若身？一吾所以有大患者，爲吾有身，及吾無身，吾有何患？故貴以身爲天下，若可寄天下；愛以身爲天下，若可託天下。

評

誰謂老子專趨消極

註

●【寵辱若驚】寵必有榮，辱必有患，驚辱等，榮患同也，爲下得寵辱榮患而若驚，則不足以亂天下也。●【貴大患若身】大患，榮寵之屬也，生之厚必入死之地，故謂之大患也，人迷之于榮寵，返之于身，故曰大患若身也。●【及吾無身兩句】使吾無有身體，得道自然，輕舉昇雲，出入無間，與道通神，當有何患。●【故

自問自解 開後人法 門不少 疊字作韻 面之一新 歸之自然 蘇東坡曰 古之達人 驚寵如驚 辱知寵之 爲辱先也 貴身如貴 大患知身 之爲患也 也是以遺 寵而辱不 及忘身而 患不至

指點道妙
極意形容
欲言無邪
而物由有
成欲言有
邪而不見
其形故曰
無狀之狀
無物之象
也
陳子淵曰
道之至妙
不可見不
可聞不可
詰不可名

貴以身兩句』君貴其身而賤人、欲爲天下主者、則可寄立、不可以久也、⑤『愛以身兩句』言人君能愛其身、非爲己也、乃欲爲天下主、如此始可以託其身於萬民之上、長無咎也、

贊玄章十四

是章言之又玄之理

視之不見名曰「夷」^一、聽之不聞名曰「希」^二、一搏之不得名曰「微」^三、此三者不可致詰^五、故混而爲一^六、其上不皦^七、其下不昧^八、繩繩不可名^九、復歸於無物^十、是謂「無狀之狀」^{十一}、無物之象^{十二}、是謂「惚恍」^{十三}、迎之不見其首^{十四}、隨之不見其後^{十五}、執古之道以御今之有^{十六}、能知古始^{十七}、是謂「道紀」^{十八}。

評

至道原無古今。若一句破的。便無意味。故奧衍若此。

註

①【夷】無色也、②【希】無聲也、③【搏】擊也、④【微】無形也、⑤【不

象若夫執古之道以御今之有，能知古始，則是猶可執，猶可御，有古有今，有終有始，非其至矣，是曰道紀，故曰道可道，非常道。

叶韵如天，造地設板，移不得，凡此諸若，皆言其容，象不可得，而形名也。

可致詰】謂無色無聲無形、口不能言、書不能傳、當受之以靜、求之以神、不可詰問而得之也、❶【混而爲一】合夷希微三者而爲一也、❷【其上不皦】皦、音皎、明也、言一在天上、不皦之光明、❸【其下不昧】言一在天下、不昧昧有所闡冥、❹【繩繩句】繩繩、動行無窮極也、不可名、不可以形狀也、❺【無狀之狀】言一無形狀而能爲萬物作形狀也、❻【無物之象】一無物質、而能爲萬物設形象也、❼【惚恍】若存若亡、不可見之也、❽【有】謂有其事、❾【能知古始兩句】人能知上古本始有一、是謂知道綱紀也、

顯德章十五

是章言不可自滿

古之善爲士者，微妙玄通，深不可識。夫唯不可識，故強爲之容。豫焉若冬涉川，猶兮若畏四鄰，儼兮其若客，渙兮若冰之將釋，敦兮其若樸，曠兮其若谷，混兮其若濁，孰能濁以靜之徐清，孰能安以

論語君子有三變此更形容詳盡

久動之徐生。保此道者，不欲盈。夫唯不盈，故能蔽不新成。

【註】

語精意到詞隨。古來說理精者，詞不至。詞能至者，往往理不精。詞理兼至，厥惟老子。

【註】

【微妙玄通】玄，天也，言其志節玄妙精與天通也。【強爲之容】勉強以

求參悟也。【豫焉句】豫，獸名，性多疑，此借喻冬寒涉水，欲涉不涉，不可得

見之貌，有如豫然。【猶兮句】猶，獸名，性多疑，此借喻進退拘制，若人犯罪，畏

四鄰知之，有如猶然。【儼兮句】如賓之見主，作謙謹之狀。【渙兮句】渙，

散也，釋，消亡也，除情去欲，日以空虛。【敦兮句】敦，厚也，朴不自顯其才

也。【曠兮句】曠，寬大也，谷，空虛也，超脫象外無所係著。【混兮句】與

衆混合不自專也。【孰能濁以靜兮】孰能知水之濁，止而靜之，徐徐自清也。

【孰能安以久兮】能安息之後，久而待其生，惟徐徐以生之。【蔽】匿光榮也。

【新成】貴功明也。

歸根章十六

是章言萬物莫不有根，能歸其根則無殃咎。

王龍谿曰
靜者心本
體以無欲
靜以無欲
爲要一者
無欲也三
順勢作三
矯變自筆
晦明卿曰
此身而不
沒身已迂

致虛極，守靜篤，萬物並作，吾以觀其復。夫物芸芸，各復歸其根。歸根曰「靜」，是謂「復命」。復命曰「常」，一知常曰「明」。一不知常，妄作凶。知常容，容乃公，公乃王，王乃天，天乃道，道乃久，沒身不殆。

評

妙語逢源，指顧殆不可窮。

註

●【致虛極兩句】言致虛物之極，篤守靜物之真正也，●【吾以觀其復】以虛

靜觀其反復，凡有起於虛，動起於靜，故萬物雖並動作，卒歸復於虛靜，是物之極篤也，●【芸芸】衆多貌，●【各復歸其根】言萬物無不枯落，各復反其根而更生也，●【復命】謂復還性命使不死也，●【復命曰常兩句】復命使不死，乃道之所常行也，能知道之所常行，則爲明，●【知常容兩句】能知道之所常行，則萬物一體，兼并包容，故至公，●【公乃王王乃天】王，往也，爲天下所歸往，既爲天下所歸往，則如天之周普也，●【天乃道道乃久】德與天通，則與道合同也，與道合同，乃能長久，●【沒身不殆】身死名藏，無殃無咎，不危殆也，